



MØTEPROTOKOLL

Utval: Naturutvalet
Møtedato 25.05.2021
Møtetid: Kl. 15:00 - 17:00
Møtestad: Fjernmøte på Teams

Av 9 medlemmer møtte 9, inkludert varamedlemmer.

Desse medlemmene møtte:	Parti:
Gunn Østvik Petersen	Ap
Anja Elisabeth Gjerde Markhus	Bl
Ove Totland	Bl
Øyvind Steinsland	Bl
Karl Bård Kollbotn	Frp
Linda Haug Kollbotn	Frp
Thorvald Moe	H
Oskar Røen	MDG

Desse medlemmene møtte ikkje:	Parti:	I staden møtte:	Parti:
Monica Tjønna	Sp	Magnus Erdal	Sp

Møtenotater:

Andre som var til stades på møte:

- Ingebjørg Vamråk, rådmann
- Knut Harald Frøland, ordførar
- Hilde Lill Våge, einingsleiar samfunnsutvikling
- Ragnhild Lønningdal, planleggjar
- Marianne Soleng, einingsleiar innbyggjarservice

Møteleiar:	Karl Bård Kollbotn
Møtesekretær:	Marianne Soleng

Underskrift frå utvalsleiar og møtesekretær:

Tysse, 26.05.2021

Karl Bård Kollbotn
leiar i utvalet

Marianne Soleng
einingsleiar innbyggjarservice/
avdelingsleiar servicesenteret

Desse sakene vart handsama:

Sakliste

Sak nr.	Arkivsak	Sakstittel	Merknad
012/2021	21/351	Faste saker	
013/2021	19/13	Uttale til Regional plan for vassforvaltning for Vestland vassregion	
014/2021	18/554	Søknad om dispensasjon frå delar av bandleggingssone i kommunedelplan for Fv 49 Tunnel bak Tokagjelet	
015/2021	21/78	Vilt- og fiskefondet 2021	

SAKNR. 012/2021: Faste saker

25.05.2021 Naturutvalet:

Handsaming i møtet:

Godkjenning av innkalling og sakliste:

Det var ingen merknader til møteinnkallinga eller saklista.

Eventuelle merknader til protokollen frå førre møte:

Ingen merknader.

Orienteringssaker:

Hilde-Lill Våge (einingsleiar samfunnsutvikling) gjekk igjennom hovudpunkta for Samnanger i årsrapporten frå Bergen og Omland friluftsråd (BOF). Det er mykje positivt for Samnanger i denne rapporten, til dømes den nye badevika i Teigavika på Bjørkheim.

Utvalet sitt kvarter:

VA Ytre-Tysse

Linda Haug Kollbotn (Frp) stilte spørsmålet:

Når er det oppstart for vann og avløp på Ytre-Tysse og blir fiber prioritert samtidig? Hilde-Lill Våge (einingsleiar samfunnsutvikling) orienterte om status i prosjektet. Dette arbeidet er godt i gang, og det skal inngåast avtalar med grunneigarar. Anbud på pumpestasjon er ute og det skal sendast ut informasjon til innbyggjarane i dei berørte områda. Kommunen har inngått rammeavtale med Odland maskin. Ole Martin Bruvik (ingeniør) overtek prosjektet etter at Nils Jonny Skar (leiar teknisk drift) no skal slutta i Samnanger kommune.

Mulighetsstudie Bjørkheim - Områdeplan

Øyvind Steinsland (Bl) viser til vedtak NAT 13.10.2020 sak 020/2020, og spurte om status i saka. Hilde-Lill Våge (einingsleiar samfunnsutvikling) og Ragnhild Lønningdal (planleggjar) orienterte. Sakshandsamar held på med å hente inn fråsegn/merknader og uttalar. 14.juni skal kommunen delta i Regionalt planforum i Vestland. Sakshandsamar vil etter dette møte enklare kunna ta hensyn til fylket sine utsegn når utkast til ein endeleg plan skal utarbeidast og saka skal opp til handsaming til hausten.

Skiltplan

Anja Elisabeth Gjerde Markhus (Bl) lurte på status i arbeidet med skiltplanen for Samnanger.

Hilde-Lill Våge (einingsleiar samfunnsutvikling) orienterte om dette. Arbeidet er svært omfattande og eininga vil i første omgang konsentrera seg om å få på plass skilting og god merking i områda rundt Samnanger barneskule og Vassloppa barnehage.

Heis på kommunehuset

Karl B. Kollbotn (Frp) viste til vedtaket i kommunestyret og lurte på status i arbeidet med å få på plass heis i kommunehuset.

Hilde-Lill Våge (einingsleiar samfunnsutvikling) orienterte om dette. Anbud har vore ute og det har komme inn svar. Det gjenstår å velge leverandør og bestille heis. Heissjakta er klargjort for montering av ein såkalla rampeheis. John Einar Mjelstad vil overta prosjektet når han startar i jobben som leiar teknisk drift 11.juni etter Nils Jonny Skar. Nina Fredriksen (byggjesakshandsamar) vil også bistå.

NAT- 012/2021 Vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

SAKNR. 013/2021: Uttale til Regional plan for vassforvaltning for Vestland vassregion

25.05.2021 Naturutvalet:

Handsaming i møtet:

Ragnhild Lønningdal (planleggjar) orienterte om saka, og svarte på spørsmål frå representantane.

Karl B. Kollbotn (Frp) la fram eit framlegg til vedtak som seier at saka skal leggjast fram for kommunestyret utan tilråding frå naturutvalet.

Ordførar Knut Harald Frøland (Bl), som har jf. §9 i kommuneloven møte- og talerett, la fram følgjande tilleggspunkt:

*"Det skal til kommunestyremøte leggjast fram ein beskrivelse av miljøtilstand i Frølandsvatnet og kva eventuelle konsekvensar dette har for fauna og mogelege tiltak for å betre situasjonen."*Rådmannen sitt framlegg til vedtak vart sett opp imot framlegget til Kollbotn med ordførar sitt tilleggspunkt ved røysting.

Kollbotn sitt vedtak med ordførar sitt tilleggspunkt vart samrøystes vedteke.

NAT- 013/2021 Vedtak:

Saka vert lagt fram utan tilråding.

Det skal til kommunestyremøte leggjast fram ein beskrivelse av miljøtilstand i Frølandsvatnet og kva eventuelle konsekvensar dette har for fauna og mogelege tiltak for å betre situasjonen.

Rådmannen sitt framlegg til vedtak:

Vestland fylkeskommune, vassområdekoordinatorane og alle kommunane har gjort eit stort og grundig arbeid med å utarbeida ein heilskapleg plan for alt vatn i fylket/vassregionen. Dette er eit svært omfattande arbeid om eit viktig tema, og planen inneheld ei rekkje tiltak for å betra vasskvaliteten i fylket. Plandokumenta er oversiktlege og gjev eit godt grunnlag for å arbeida vidare med forvaltning av vatnet.

Samnanger kommune har ein del konkrete tilbakemeldingar på kunnskapsgrunnlaget og tilhøyrande tiltaksforslag i Vann-nett, og rådmannen vil i tide til kommunestyremøtet laga ein detaljert tabell med tilbakemeldingar om kva som er feil eller ikkje komplett informasjon om den enkelte vassførekomst/påverknad/tiltak. Desse tilbakemeldingane kan då leggjast ved og bli ein del av kommunestyret sitt vedtak om uttale.

Det finst per i dag ingen tilskotsordningar for gjennomføring av opprydding i avløpsproblematikk. Plandokumenta skisserer at det skal arbeidast for å innføra ei slik ordning. Me vil på det sterkaste oppmoda om at ei slik tilskotsordning vert innført, slik at det vert realisme i planane om alle avløpstiltaka som kviler på kommunane. Likeeins er det behov for fleire tilskotsordningar/meir tilskotsmidlar innanfor landbruket.

SAKNR. 014/2021: Søknad om dispensasjon frå delar av bandleggingssone i kommunedelplan for Fv 49 Tunnel bak Tokagjelet

25.05.2021 Naturutvalet:

Handsaming i møtet:

Ragnhild Lønningdal (planleggjar) presenterte saka og svarte på spørsmål frå representantane.

Uttale frå Vestland fylkeskommune, motteke 25.05.2021, vart sendt ut til alle representantane rett før møtestart.

Det vart lagt fram eit fellesframlegg til vedtak der handsaming av saka vert utsett til ekstramøte i naturutvalet som er sett opp 15.06.2021. Dette gjer til at administrasjonen får tid og høve til å setje seg skikkeleg inn i uttalen frå fylkeskommune og utgreia saka betre.

Fellesframlegget vart samrøystes vedteke.

NAT- 014/2021 Vedtak:

Saka vert utsett, og skal handsamast i naturutvalet 15.06.2021.

Rådmannen sitt framlegg til vedtak:

Med heimel i plan- og bygningslova § 19-2 vert det gjeve dispensasjon frå delar av bandleggingssona H710 i kommunedelplan for Fv 49 Tunnel bak Tokagjelet, for gjennomføring av delar av reguleringsplan for Eikedalen hyttegrennd. Bandleggingssona H710 gjeld krav om framtidig regulering av ny trasé for fv 49 for heile planområdet innanfor kommunedelplanen.

Dispensasjon vert gjeve til følgjande område i reguleringsplan for Eikedalen hyttegrennd, som har overlapp med kommunedelplan for Fv 49:

- Felles køyreveg f_SKV2, inkludert sideareal annan veggrunn
- Felles parkeringsplass f_SPA1
- Felles renovasjonsareal f_BKT1

Ein slik dispensasjon set ikkje vesentleg til sides nokon av dei omsyna som bandleggingssona eller plan- og bygningslova skal ta i vare. Etter ei samla vurdering meiner me at fordelane er klårt større enn ulempene, og det kan gjevast dispensasjon på vilkår.

Det vert stilt følgjande vilkår for dispensasjonen:

- Vil bli lagt fram i møtet, då formulering av vilkåra er avhengige av innkomen uttale frå Vestland fylkeskommune

SAKNR. 015/2021: Vilt- og fiskefondet 2021

25.05.2021 Naturutvalet:

Handsaming i møtet:

Magnus Erdal (Sp) sette spørsmål med sin gildskap. Han har vore med på dugnad med Tohaugen Ve og Vel, ein av søkjarane til fondsmidlane. Erdal gjekk ifrå medan gildskapen hans vart diskutert. Han eig ingenting i området Tohaugen Ve og Vel disponerer og har heller ingen personlege økonomiske interesser. Representanten Erdal vart samrøystes funnen gild og deltok i handsaminga av saka. Representantane diskuterte saka og rådmannen sitt framlegg til vedtak vart samrøystes vedteke.

NAT- 015/2021 Vedtak:

Jf. vedtak 014/2019 i naturutvalet 28.05.19 får Samnanger jeger- og fiskerlag kr 20 000 i årleg driftstilskot. Tilskot for 2021 vert utbetalt snarleg.

Jf. vedtak 081/2019 i kommunestyret 05.12.19 får Kvamskogen næringsalg/Kvamskogen vel kr 15 000 i årleg driftstilskot til løypepreparering. Tilskot for 2021 vert utbetalt snarleg.

Jf. vedtektene for fondet, sak 002/2019 i formannskapet, vert det i oktober betalt ut for leige av grunn til laksetrapp (indeksregulert) – i 2021 er denne leiga på kr 7 495.

Tohaugen Ve og Vel får kr 35 000 i tilskott til oppføring av gapahauk på Tohaugen som skal vera tilgjengeleg for ålmenta.

Tysse Jeger og fiskerlag får kr 5 000 i tilskott til aktivitetar i 2021.

Tysse Jeger og fiskerlag får kr 5 000 i tilskott til kultiveringsarbeid og vedlikehald.

Tysse Trivselsgrend får kr 12 000 i tilskott til realisering av fuglekikkert og undervannskamera i Tysseelva og Tyssekaiaen.

Rådmannen sitt framlegg til vedtak:

Jf. vedtak 014/2019 i naturutvalet 28.05.19 får Samnanger jeger- og fiskerlag kr 20 000 i årleg driftstilskot. Tilskot for 2021 vert utbetalt snarleg.

Jf. vedtak 081/2019 i kommunestyret 05.12.19 får Kvamskogen næringsalg/Kvamskogen vel kr 15 000 i årleg driftstilskot til løypepreparering. Tilskot for 2021 vert utbetalt snarleg.

Jf. vedtektene for fondet, sak 002/2019 i formannskapet, vert det i oktober betalt ut for leige av grunn til laksetrapp (indeksregulert) – i 2021 er denne leiga på kr 7 495.

Tohaugen Ve og Vel får kr 35 000 i tilskott til oppføring av gapahauk på Tohaugen som skal vera tilgjengeleg for ålmenta.

Tysse Jeger og fiskerlag får kr 5 000 i tilskott til aktivitetar i 2021.

Tysse Jeger og fiskerlag får kr 5 000 i tilskott til kultiveringsarbeid og vedlikehald.

Tysse Trivselsgrend får kr 12 000 i tilskott til realisering av fuglekikkert og undervannskamera i Tysseelva og Tyssekaiaen.